

סינדיקט
סינדיקט

TIROCINUM ACADEMICUM

DE

אַהֲרֹן בֶּרְית

SIVE

ARCA FOEDERIS:

Exod. XXV. v: 10: ad 22.

Quod

DIVINA AFFULGENTE GRATIA,
Adprobante pariter Ampliss. Fac. Philos.
Regiae bujus Academiae Aboëns:

Sub PRÆSIDIO

Viri Adm. Reverendi & Praeclarissimi,

M. ISAACI Pijsmans/

L.L. Orient. Profess. Celeberrimi.

Ventilandum modestè depositum

ANDREAS Bang. A. F.

In Auditorio Max. d. 14. Junii An. 1699.

Impr. apud Jo. Laurent. Wallium.

SACRÆ REGIÆ MAJESTATIS

MAXIMÆ FIDEI VIRO,

IN CHRISTO

Reverendissimo PATRI
ac DOMINO,

DN. JOHANNI
GEZELIO,

S. S. Theologiæ DOCTORI
Famigeratissimo,

Dioœcesios Aboënsis EPISCOPO
Celeberrimo,

PRO-CANCELLARIO Academiæ
Permagnifico,

Consistorii Eccles. PRÆSIDI
Gravissimo,

Mæcenati maximo.

DEDICANDO.

Tenellum hunc ingenii partum
Rudis quem enixa Minerva

OMNIGENAM FELITATFM ET ANNOS
PRECOR, OPTO, VOYEO.

Nclyte MÆCENAS non me
est audacior alter,
Limina qui tantæ tan-
gere tento domus.
Sed tua sic nota, est bonitas cantata
per orbem
Ausib⁹ ut possim n̄l timuisse malis
PRAESULIS hoc nomen notum per re-
gn⁹, per urbes,
Virtutis seqvax, maxima fama tulit
Hac spe, hujusce pero tremulo
pede PRAESULIS ædes,
Erectusq⁹ tores tangere ten-
to manu.
Ausib⁹ ignoscas tamen his O Ma-
xime Myſta,
Myſta, cui ſurgit Finnia, qvem
q⁹ colit.
Scilicet hoc ausus nunq⁹am, Pater
alme fuifsem
Erga omnes nosſem Te niſi tam
facilem. O

O mihi Te placidum da, & susci-
pe fronte benignâ,
Primitias profert qvas tibi no-
ster ager.

Nil certum fateor, nil doctis auri-
bus aptum,

Et nil oblectans pagina nostra
dabit.

Excipe quælo tamen bene meque
favore tuere,

Cui fortunas ac , omnia dedo
mea.

Nil retulisse queo. Prece vero ob-
tundere cœlum

Non intermittam , Maxime
Præsul, ego.

In longam ipse velit quo te serva-
vare senectam,

REGI almoqve gregi nec mi-
nus hisce Tuis.

A. B.

Den
Chreborne och Högachtat Herren
Herr Arfwed Nietzen/
Högwälbetrodde ACADEMIÆ QUÆSTORI,
Sinom Högedhrade Gynnare och Moder,
Broder.
Alstöns Wältrefnad!

The wideberömda Män hvars weetsey wij
nu prijza/
Uhi naturlig ring / oþ mycke låra må
Om diurens undrand art ja/seen til dygd och så/
Théhafwa/ the med ståål och mång Exempel wijsa.
Bland andra om en Storck the ganska märcklige
skrifvit/

At pröswa krafter sin som hiccide om en dag/
Flög ut urur sitt boo/med siceen mache och swagi/
Och föll til jorden ned / ther af han fargat blisvit/
Så at han halfdöd låg' tilis hono en from Qwinna
Af jorden tog/ desß sår så helad / at han sic
Sin förra kraft igen / och blef omfüider qvick.
Han glömmmer detta ey men haar uci friset minne.

Och

Och efer åhrs förlöpp hōst Ovinnan sig icfinner
Med Värla i si näss/ hen han strax lägger neer/
För qmāns föter/ och sig myck ic tacksam teer/
Eher med mångt mēnniskobarn han wjda öfver-
winner.

Uetur min Faders Boo/ hwar iag wäl langer wara
Hast höglig önskat mig för dödsens gryna stougt
Jag bittidt singa måst med swag och ringa lott/
Hwar af min wälfärd så en ey led en lijcen fara.

Herr Moorbror har då måst sig låtit om mig wärda
(Nåft GUD) oprättar mig/ det uchan
strymeam all

Jag aldrig säya blygs/ ey heller bihas skall/
Glykt aldrig glöms/ om en af hierian alt förhårda.
Så tagen gunstigt moor/ iag beer/ thē gäfwan ringa
En förling af then frucht/ som nylig wuren åt
På magra åkren min/ den min elärdā får/
Enfaldigt sammansät och hindt i liuset bringa.

Med Storke en iag mål borde en Värla hijt fråbåra/
Och för Ehr lägga neer/ men sidant en förmårt/
Ey heller gifwer med det stånd i det iag står/
Doch wed Ehr förra Gunst ey eröttens Moor-
Broor kåra.

Jag beer/ tu lefvar iag så länge i mig rötes
Endräppa af mitt Blod/ Ehr Namn i glöm-
stens graf/

En nånsin gråfves neer/ men tilts iag wandrar af
Af mig ther åhras skall och ewigt af mig höras.

A. B.



L: S:

Intra ceteras similitudines, quibus, caelis illius depositi, verbi scilicet Divini, excellentiam & dignitatem, exprimere voluit veneranda antiquitas, nulla magis majestatem ejus exhaustire videtur hac, cum comparatur mari, cuius profunditatem nemo explorare valet; Hec enim non tantum, que ad salutem necessaria sunt, nobis expandit, quorum interiorem cognitionem rationis ministerio sibi qui pollicetur, haud plus proficiet, quam qui laterem lavat; sed & ea, quorum notitia in totum, è rationis lumine, præcisa revelatione, haberi potest. Scriptura enim liber est, quæ diurnâ nocturnâque manu volvant non modo Theologi, sed & Philosophi: Omnes ibi succurso & sanguinem invenient, dictante Sperling cap. I. Ex bujus uberrimo & saluberrimo fonte, hanc non minus difficultatum tricis involutam, quam nobilem materiam, hausi, quam sub incude exanimis redocare me jussere, monita quorundam, haud vulgariter de me meritorum. Unum autem hoc me male babet, me tue expectationi,

A

B. L.

B. L. ut debuit, satisfacere non posse : sed nee
 id admittere videtur meum institutum, σκια-
 γεργίαν, enim, tantum hīcē pagellis delineare
 decrevi, nec permisit subsidiorum inopia, que
 memirum in modum pressit; ingenuè enim fa-
 teri audeo, me (excepto Cl. Quenstedio) ne-
 minem, hac ex professo tractantem, vidisse.
 Ulteriorem itaque inquisitionem aliis, in qui-
 bus quoque majora, tam naturæ quam fortu-
 næ, bona & dona veneror, committo. Nec te
 stylī offendat B. L. summa simplicitas, veritas
 quippe (de quā tamen in solidum gloriari non
 possum) hujusmodi exercitiis, maiorem or-
 natum conciliat, quām emendicata verborum
 elegantia. Hęc proinde & reliqua vicia na-
 tivæ bonitatis & sinceritatis (quā ceteros
 excipere soles) peplo C. L: ut innolvas, sub-
 missus rogo. Ne deniq; te, a me observatus la-
 teat ordo, ēst ḥ̄dēv ḥ̄t̄w̄s ḥ̄n̄ ēū p̄nḡv̄ ḥ̄te x̄u-
 ḥ̄v̄ āv̄d̄q̄w̄v̄s w̄s ī w̄z̄s, in duo, brevem
 hunc tractatum, dispesco, membra; quorum
 prius, nominis Δάσκαλος, posterius κε-
 γματονομία absolvet. Tu, autem, summe
 DĒLIS, interea, meis ceptis, Ab alio Be-
 nedicas!

CANTICUM Mosis


Cum

Elevaretur Arca

Num. 10. v. 35.

קָרְמָה יְהוָה וַיַּפְצֹא אִיבֵּר וַיַּנְתַּן

מִשְׁנָאֵיךְ מִפְנֵיךְ:



Cum

Deponeretur

ibid. v. 36.

שׁוֹבֵךְ יְהוָה רְכֻבֹת אֱלֹהִים יִשְׂרָאֵל:

DEUM solum esse colendum, ipsa recta dictitat ratio, Nullius enim gentis tanta est ferocitas, cuius mentem non aliqua imbuerit religio: Infat Cicero lib. 2. de Nat: Deorum; modum verò plane reticet, & ex ipsa revelatione petendum relinquit; quā homo, ob insignem intellectus cæcitatē & summam voluntatis depravationem, in quā mala, per lapsum primi hominis, incidit, in spiritualibus vires planè deperditas habet, ut rationē, quā convenienter suam erga DEUM gratitudinem & pietatem, declareret, quā gloriam nominis ejus divulget, ad quam præ reliquis animantibus (quā suo modo DEUM laudare dicuntur) conditus est, à se ipso, nisi suffultus auxilio & gratia divina, invenire non possit. Et hinc, dicit salvator apud Matt. cap. XV. 9. se non delectari didascaliais καὶ ἐντάλματι αὐθεόπων. Unde haud leviter errant, qui Cainum & Abelem, prima generationis humanæ miracula,

natu-

naturæ instinctu ductos, absq; mandato
DEI, sacrificasse statuunt, qvod licet
κατὰ τὸν ἡγέτην in Sacro codice non occurrat,
(multa enim dantur qvorū notitia è Scri-
pturis αὐτολεξìa non hauritur) ut à m. 219.
nos tamen id præcessisse colligimus, ex
laude, qvā Cainum afficit S. S. per Pauū
in Epist. ad Hebr: cap. XI. v. 4. (πίστι
qvæ verbo nititur DEI Rom. X. 17. αλεί-
σσα θυσίαν ὁ Αῆγλος προσέκατε τῷ
Θεῷ; hujus rei gratia dicitur Cain tan-
tā erga fratrem suum Abelem incen-
sus fuisse irā, ut eum interimeret;
qvo scelere patrato secessit וְהִנֵּה מַלְפְּנֵי Gen: 4. i. e. à loco in qvo DEUS se ad-
fuisse ostendit. Nam loca, rebus sacrī
administrandis, consecrata, non habu-
ere Patres, ante tempora Mosis, sed,
modò hic, modò illic, sacra sua pere-
gerunt; præcipue, ubi singularia gratiæ
divinæ indicia apparuerunt, aras ere-
xerant, qvæ inserviebant, & invocatio-
ni nominis DEI & immolationi hosti-
arum. Sic, cum egredieretur Noach
ex arca, ædificato altari, dicitur obtu-

lisse DEO holocaustum, sive ad tenorem textus Originalis, (עלח) ascensionem: Gen: 8. 20. Jacob in Berhel Gen: 35. Moses, quoque constituit altare ad ima montis, misitque eo בָנֵי יִשְׂרָאֵל h. e. primogenitos Exod: 24. 4. 5. illi enim tum temporis fungebantur munere sacerdotali, donec Aharonidæ eis succederent. Licit itaque fuerant excelsa, & cultus peragebatur a primogenitis, usque dum tabernaculsi extrueretur, quod factum anno secundo exitus Israelitarum ex Aegypto, quos DEUS sibi in peculium elegit & peculiari amore prosequutus est. Hi primi ad locum certum erant obligati, ad quem convenirent rei sacræ faciendæ caulâ, tabernaculum scilicet in cuius interiori parte sedes majestatis divinæ & divinum illud organum ARCA FOEDERIS asservabatur. Hæc prima gloria & anima velut Tabernaculi, hæc instar scalearum fuit, per quam ascendebat ad DEUM precatio, hinc, i.e., gratiam petentibus

daturum, promisit, hujus ope, Israelitæ,
 variis periculis expositi, erepti fuerant;
 ut minimè mirum, si David admiratione
 ductus, perpendendo eorum felicitatem, in hæc eruperit verba Ps. cxlvii.
 20. כִּי לְכָל־עַשׂ & Paul: in Epist: ad Rom: III, 1. 2. πέρι τοῦ αὐτοῖς τῷ ιχ-
 dais; respondet ipse παλὺ καὶ πάντες
 τρόπον.

MEMBRUM I.

§. I.

Qui secundâ navigatione pervehî
 cupit, pyxidis magneticæ ductum,
 ex asse ut seqvatur, necesse est,
 ab hujus enim cynosurâ, si deflectit,
 facile in brevia incidet, & sic navem
 frangerè cogetur; Pari ratione, lenem
 nobis maris illius vasti, qvod sumus
 ingressuri, pollicemur transitum, si mo-
 rem receptum in imitationem traha-
 mus, faciendo ruditis hujus tirocinii i-
 nitium, ab onomatologiâ, idque eo li-
 berius præstamus, qvò facilius cognitio
 vacuum evahere solet in ulteriore cognitio-

nem rei. Deducimus itaq; vocem illam priorem, qvam præ se fert, inscriptio, vel ab Æthiop. אַרְכָּא colligere: vel ab Arabico, Hæbreis verò inusitato אַרְכָּא, qvod gloriatiōnis significationem innuit; unde אַרְכָּא qvod ornum sive pinum significat, hinc denique derivatur, de quo disqvirimus אַרְכָּא. Ut raque harum optimè retinetur, prior enim usum respicit, posterior verò materiam, ex qvā, aliquatenus, ostendit. Hoc vocabulum idiomate latino effertur per *arcam*, cuius originem accersimus à verbo *arcere*, is namqve capsarum est usus, ut fures aditu libero ad bona nostra, si qvæ iis inclusa sunt, prohibeant; similiter, ab *Arca Testamontii*, omnis debuit removeri usus protanus, ita ut in Sanctum Sanctorum, ubi condita erat, nulli nisi summo Pontifici pateret ingressus, & ne huic quidem indies, sed semel qvolibet anno, die scilicet expressionis. Notatum tamen volumus, licuisse qvoqve sacerdotibus cogente summo necessitatis telo, in adytum intrare.

trare, cum vel Israelitæ in bellum proficiscerentur, vel aliquid fractum reparatione egeret, adhibito ritu peculiari, ut observat Otto in suo lexico: *In tabulato S. sanctorum erant quædam valvulae, per quas immittebant chordis opifices, si aliquid reparazione egeret, & ne oculos pascerent, in considerando Sancto Sanctorum, ipsos includebant cistis, ex quibus solum illum locum aspicere poterant, qui opera ipsorum opus habebat.* Hæc ille. Vox autem posterior tituli suos debet natales vel verbo בְּרָה qvia eligendæ sunt personæ, quibus cum fœdus in ira debemus, vel quasi res, quam duo, sub certis conditionibus eligunt. Aut oritur מְרָא excidit, succidit; qvia victimæ, in fœderibus pangendis, cædi solebant. Sic legimus Abrahamum, cum fœdus cum DEO iniret, dissecuisse pecora Gen: XV. 9. 10.

§. II

Sed præterea, ne vocum neglectus aliquos pariat errores, ipsam & qvivocatio-

tionem, qvæ mater multorum errorum
 est, expediemus, ne, hac non discut-
 sâ, umbram venari videamur. Sumi-
 tur itaque hæc vox גָּרָא (α) pro locu-
 lo & feretro Josephi Gen. L. 26. Qvod,
 Israelitæ, liberati à servitute tyrannicâ
 Pharaonis, revocantes sibi in memo-
 riam jusjurandum, qvod Josepho, in
 mortis viciniâ constituto, dederant
 transtulerunt ex Ægypto. Exod. XIII.
 19. in terram promissam, ubi ossa ejus
 humo mandaverant Jol: XXIV: 32. in
 agro qvod Justo pretio sibi acquisive-
 rant majores sui. Gen XXXIII. 19. Di-
 vus Chrysostomus refert Servatorem
 hunc Ægyptium, idèò, noluisse funus
 suum sepeliri in Ægypto, ne à præsen-
 tiâ ossium ejus, arriperent occasionem,
 divinos illi conterendi honores, ob in-
 numera in se collata beneficia, Ægy-
 ptii, qvorum voluntas ad supersticio-
 nem, præ reliqvis gentibus, maximè
 propensa & proclivis fuit. An vero
 ab eis Josephus cultus fuerit vel mi-
 nus

nus? de hoc, contentionis ferram, inter se ducunt magni nominis viri: Quidam enim *Apis* qui postea *Serapis* vel *Osrus* dictus, antiquissimum illud Ægyptiorum idolum, vel lippis & tonsoribus notum, sub nomine Josephi adoratum affirmant, alii negant. A veritate tamen haud multum ab ludere videtur sententia affirmativa, si paulo accurrius pensitare placuerit rationes, ob quas *Serapim* divino cultu prosequebantur; hujus enim ope à milie-riâ, quâ, propter annonæ caritatem, tenebantur, se liberatos volunt, unde eum, sub specie bovis, quem omnium animalium maximi fecerant, colebant: Ægyptii enim, ut alias, per Hieroglyphica, animi sui sensa de promere solebant, ita & per bovem, ἡ τυχόντα, sed virum in agriculturâ peritum, fortem & temperantem ἐσήνουαν, quæ re quisita optimè in Josephum cadunt, hæc obiter. Imò etiam alii eò demen-tiæ sunt provecti, ut Cherubinos, arca superimpositos, Josephum repræ-

sentasse statuant, qvò eo melius recor-
 darentur Judæi hujus Herois; Sed mi-
 nimè cum iis facimus, qvi Josephum
 virum, cum in vivis esset, fuerit mæ-
 in DEUM pietatis, propter λεψανο.
 θρησκείαν mandasse fratribus de ossibus
 suis deportandis, volunt, cum Paulus
 de eo expresse in Epist: ad Hebr: cap.
 XI: v. 22. dicat ὅπ πέτη τῷ ὄσεων αὐτῷ ε-
 πετείλατο. (β) sumitur pro receptaculo,
 qvod inserviebat condendis illis num-
 mis, qui in reædificationem & restau-
 rationem Templi Hierosolymitani, con-
 ferebantur. 2. Reg. XII. v. 9. (γ) pro
 arcâ, qvæ, in intimâ S. Sanctorum par-
 te collocata, tabulas legis servavit, &
 operculo tecta fuit; & sic rurus, vel
 in latiori ambitu, pro totâ structurâ
 cum ei adjunctis Cherubim; vel stri-
 ctiori, pro fabricâ cistæ modum re-
 præsentante, tabulas legis continentem:
 prior nostri est fori. Sunt qvi præter
 hæc recensita, etiam quartam signifi-
 cationem obtrudunt, ex loco 1. Sam:
 XIV: 18. ubi vocem γῆς specialem si-
 gnis-

gnificationem subire ajunt, ac si capsa
fuisset, in qua servaretur Urim & Thu-
mim, ne qvid detrimenti a cœli inju-
ria & vitiosâ attrectatione vulgi cape-
ret, moti versione LXX. Interp. qui
hanc vocem per Ephod transtulerunt;
Sed nihil minus, qvam cistam
ejusmodi usui consecratam, ex eo loco
interre, possunt; nam scriptura (qvæ
sine supra & infra legi non potest)
expresse facit mentionem in sequenti-
bus *κιβωτὸς τοῦ θυηρίου*, eò à Cirjath Jea-
rim adductæ.

§. III.

Sequitur proporrò, in definitione no-
minali ipsa Synonymia, in qvâ expli-
candâ, non operose occupabimur, cum
verba cognatæ significationis, ad sati-
eratem usqve deprehendat Ben: Lect:
in sacro codice, aliquva tamen pro-
tulisse non pœnitabit. Venit alias
nomine *הַעֲרוֹת אֶרְן* partim, qviâ
in ea deponebantur tabulæ Mosis, qvæ
Iudaïtas de voluntate DEI, in se cer-
tos

tos fecerant; partim, qvia ante hanc solummodo stare debuit summus sacerdos, cū consuleret Urim & Thumim. Nihilominus occurrunt exempla, quæ ostendunt, deliberantibus responsa redita fuisse, ablente arcâ, per Ephod. 1. Sam. XXIII, 2. Sam. XXX. 6. 7: non enim adfuit tum arca fœderis, qvia Levitæ, quibus gestatio hujus commissa fuit, ab impio Schaule occidebantur, excepto Abjathar, qui fugâ salutem petiit, 1. Sam. XXII. v. 20. 2. אָרוֹן בְּרוּתֵי יְהוָה Josuæ III, v. 3. 3. אָרוֹן שֹׁעַ Psalm. CXXXII. 8. quia non solum tessera fuit gratiosæ DEI præfentiæ, verum & dura-
με@ & potentiae. 4. שְׂרֵפָה Sanctitas, Num. IV. 20. Reliqua enim omnia tabernaculi vasa dignitate ita superavit, ut nihil in S. Oraculum præter eam poneretur, ut ejus gratiâ Sanctuarium à Sancto sanctorum, velo firmissimo, & nemini perspicuo, distingveretur; quin & ipsi Philistæ ob profanationem arcæ graviter sunt puniti, 1. Sam. V. v. 6. Idolum Dagon, ad

præsentia hujus arcæ, qvasi stupescerat,
eamqve pronâ facie venerabatur. 1. Sam.
V. 3. 4. οὐδὲν μεῖζον δικαιοσύνης ἢ ἀνομίας,
2. Cor. VI. 14. de reliquis æquipollenti-
bus consule Scripturam.

M E M B. P O S T.

§. I.

Artificium, pulchrè & decorè concin-
natum, perfectum reqvirit & præ-
supponit artificem, à vulgaribus enim
non nisi vulgaria proficisci possunt; Arcæ
autem foederis singulari opera perfectæ,
tantus inerat decor, ornatus & pompa,
ut nihil ei deesset, quo non animū quo-
rumvis, in sui admirationem, raperet;
tota deaurata & auro tecta, ut acies o-
culorum, præ ejus mirando splendore,
quasi debilitaretur; accedunt forma ju-
sta, & nobilis usus, non parum gloriæ
huic arcæ conciliantes; cujus enim finis
& media sunt bona, id ipsum quoq; bo-
num est. Necesse, itaque, est, sapientem
præcessisse opificem, quem, ad normam
verborum *textus*, statuimus fuisse ipsum
Jeho-

JEHOVAH, à quo habet hæc pulchri machina
 qvicquid habet; hic, quām accuratissimē
 ordinem, quo uteretur in ædificandâ ar-
 câ, exposuit Mosi, figuram in monte Si-
 nai sibi exhibitam, delineanti ipsi Beza-
 leeli, qvem DEUS vocasse dicitur Exod.
XXXV. 30. Diversam autem fuisse ar-
 cam hujus, ab arcâ Mosis, non est ut exi-
 stimemus, nam, non præcepit DEUS
 Mosi duas, sed unam, strui; quod man-
 datum, si transgressus fuisset, nequaquam
 laudaretur a S. S. qui eum executum
 fuisse omnia, quæ ei præceperat **JEHOVAH**,
 dicit. Eadem arca, quæ in sancto lan-
 etorum condebatur, in bellum educta,
Num. IV. 5. Una à Levitis gestata, i-
 bid. Unitatem denique confirmant,
 querulæ voces Judæorum, abreptâ ab
 hostibus arcâ. **i. Sam. IV. v. 21, 22.** nurus
 Eli deliquium animi passa, cum accepis-
 set, eam ab hostibus captivam duci, v. 19.
 Posset h̄ic qvis mirari, cur DEUS, qui terè
 per bis mille annos, delectabatur cultu
 simplicissimo Patriarcharum, jam volu-
 erit, in fabricandâ arcâ, tantam magni-
 ficien.

ficientiam observari? hujus ratio propinqvior dari non potest, qvam facilitas & benignitas divina, qvā se attemperabat ad mores Israelitarum, qvi per longum illud tempus, qvo cum gente Ægyptiaca sunt conversati, æmulis, & oculis, & mentibus, intuebantur magnificum & pomposum illum modum, qvem servabant Ægyptii in cultu idolorum suorum; videbant qvoqve eos singulari illo beneficio frui, ut DEOS suos semper ante & coram se haberent, qvare ne abjecte de DEO vero Israelitæ cogitare inciperent, cui cultus simplex potius arrideret, morem gessit effræni eorum voluntati, ut eo facilius eos ab idololatriâ, cujus perniciosa iues Israelitas, sub jugo Ægyptiorum gementes, infecit, Jos: XXIV.

I4. revocaret, res enim erat ei cum populo σκληροκαρδίω & duræ cervicis, qvi tam facile è stultitia in tramitem sapientiæ, perduci non poterat; his suum calculum addit Lucas Act: 13. 18. παταρεγονται τῷ χρόνῳ, ἐτροποφόρησεν αὐτὸς

καὶ τὴν ἐγῆμων. Ubi occurrit vox , pecu-
liaris emphaseos (τροποφορῶν) matribus,
filiis ad blandientibus , propriè compe-
tens. Et licet se tam clementem erga eos
præbuerit DEUS, ut se accommodaret
ad animos eorum, non tamen idolola-
triam se posuerunt, sed tam firmas, in
mentibus suis, radices , agere sunt pa-
si, ut & in deserto, tabernacula in ho-
norem Deorum fictitiorum erigerent,
cujus eos arguit Proph: Hamos cap.
V. 25. 26. & Stephanus Act: VII: 43.

§. II.

Materiam hujus arcæ, memoriæ pro-
didit Mosche, fuisse geminam, Li-
gnum nobilissimæ naturæ πυθ, & au-
rum purissimum. Vocem illam, mo-
dò nominatam, Hebræam, variè sunt
commentati authores , alii enim, vo-
lunt fuisse buxum , alii pinum, ut versio
svecana & fennonica, alii Laricem ,
quam Hieronymus definit, esse genus arbo-
ris, crescens in eremo, spine albæ habens simili-
tudinem, unde omnia ligna tabernaculi, & arce
com.

confecta sunt, quæ appellantur sittim, quod
 Lignum imputribile & levissimum omnium
 lignorum, tam in fortitudine, quam in soli-
 ditate, nitorem superat. Hæc ille. ~~τετραγωνον~~
 LXX. interpretati sunt per ξύλα αση-
 πτη, voce generali non denominata
 specie, ex ignorantia vocis propriæ, re-
 spondentis τῷ Sittah. Joseph. Antiq. Jud.
 Lib: I. Lingvâ sua vernacula dicit appel-
 lari *Heoron*. Ursinus per genus quoddam
Acacia, quæ teste Jonstono, est quadru-
 plex. Alii denique transtulerunt per
 cedrum præstantissimæ speciei, Physi-
 ci enim duo cedri genera statuunt,
 aliam bacciferam, aliam coniferam,
 hæc illâ longè præstantior est, ut &
 mira videantur, quæ de ejus indole
 tradant; defuncta corpora incorrupta
 ævis servat, unde & appellatur *νεκρὸς*
 ζῶν res succo suo imbutas mori vetat,
 sic meminit Plinius librorum, cedriâ
 per unctorum, in arcâ Numæ reperto-
 rum, qui per quingentos triginta quin-
 que annos durarunt. Sunt & qui pro
 pinâ albâ pugnant, sed hanc non fuisse

ligimus ex eo, qvod fuerit *erassitudine*
tantum pollicari, altitudine verbis bicubitali.
 Utra harum sententiarum veritati ma-
 xime consonet, nobis determinare non
 est facilè, præcipue, cum sacer codex,
 nullibi hujus indelem explicet, nec nisi in
 uno loco Esaiæ XLI.v.19. mentionem e-
 jus faciat. Mirum tamen est, omnes
 in eo convenire, quod genus hoc arboris
 cariem & corruptionem non sentire af-
 firment. Quâ re, providentia DEI nobis
 in memoriam revocatur, qui, ut figura,
 cum re figuratâ conveniret, voluit, is
 namque rituum Leviticorum, cultuum
 ceremonialium, & sacrificiorum erat fi-
 nis, ut unice præfigurarent Christum,
 sanctissimam hostiam; sicut enim *πνευ*
 libera & immunis erat à putredine, ita
 & Christi corpus. Psal. XVI. v. 10. quæ
 verba in ipsum quadrare ostendit citatio
 Θεόπνευστος Act: II:v. 27. quin & expresse
 appellatur *κιβωτὸς διαθήκης*, Apoc. XI. 29.
 & *ἱλαστήρος* Rom. III. 25.

§. III.

L icet tanti pretii materies, ut modò dictum, ad constituendam essentia
arcæ concurrerit, nullius tamen fuisset
gratiæ & pulchritudinis, justam nisi na-
cta fuisset figuram, circa quam ne pec-
caret Mosche, vel in excessu vel de-
fectu, cautio adhibenda fuit: Fabricata
itaque est in modum cistæ quadratæ,
ita ut longitudo excreceret, ad quan-
titatem duorum cubitorum, cum di-
midio, latitudo & altitudo æqualis es-
sent mensuræ; tam interiora quam ex-
teriora deaurata, ita ut lignum non
appareret: Limbus aureus circumquaç
confectus, quatuor annuli aurei excusi,
quorum unus in quolibet angulo arcæ lo-
caretur; vectes è πυθ fusi, auroq; obdu-
cti, ut inservirent portandæ gloriæ I-
rael: 1. Sam: IV: 21, nec unquam amoti,
ut sacerdotes perpetuò sui admonerent
officii. Quoniam vero non fixum ob-
tinuit locum, sed modò huc, modò illuc,
circumgestata fuit, ideo certos quos-
dam destinaverunt, qui ministerium

humerorum præstarent, Levitas, scilicet
 quorum munia inveniuntur lege enumera; Num: IV. Cum enim Israëlitæ
 castra moverent, ingrediebantur Sacer-
 dotes Adytum, & arcam involutam ta-
 petibus pretiosis tradiderunt fidei Ca-
 athitarum, quibus non licitum erat, ora-
 culum intrare, ne arcam nudam aspice-
 rent, quod summum erat nefas; imò, ne
 tangerent quidem. Usa, enim, qvia ir-
 reverentius eam attrigit, morte mulctatus
 est 2. Sam. VI. v. 7. Interdictus quoque erat
 his Caathitis, usus boum in portandâ
 arcâ Num. VII:9 *Q*via ministerium rei san-
 ctæ incubabat illis, humero enim latuvi erant,
 quamobrem quoque eligebantur viri, &
 ætate, & robore, firmi. Aucto, verò,
 numero sacerdotum, injunctum quoque
 fuit eis gestationis onus, Deut. XXXI, 9.
 Maximum autem decus accesserat huic
 arcæ, ex operculo propitiatorio, quod
 scriptura כְּפָרָה, LXX. Interp. iλαγήεια
 οὐτίζεια appellat, qvod auro maximè
 defæcato constans, mensuram, tam in la-

tudine, quam in longitudine, arcæ ex-
æqvare debuit, ne rima vel fissura in ea
daretur, vicem enim operculi supplere
debuit, nec scriptura alius tegumenti
meminit; ab hujus extremitatibus, fun-
debantur duo Cherubini, continentis
operis, ex auro pariter purissimo con-
flati, mutuo se se aspicientes, alisque suis
tam propitiatorium tegentes, quarn se-
dem DEO præbentes, freqventer, enim,
occurrit in sacrâ paginâ locutio hæc,
DEUS insidens Cherubinis Pl. XCIX. i.
2. Reg. XIX. 15. & arca scabellum pedum
DEI, ibid. v. 5. Et quamvis DEUS stru-
cturam arcæ impresserit menti Mosis,
Cherubinorum tamen figuram reti-
cuit, nec ut mihi notum, obvius est
in lacro codice aliquis locus, eorum
formam delineans, ipsi quoque LXX
interp: vocem $\chi\epsilon\tau\beta\mu$ retainent, quia
forsitan Synonymum, eorum naturæ con-
veniens, e ditissimo promptuario lin-
guæ Græcæ non invenerint. Hinc hæc
schismata, & tanta dissidia inter au-
thores de eorum forma: Quidā enim

eos μοσχομόρφου fuisse volunt, revocantes radicem verbi Cherubim αράβιον, quæ arandi notionem subit, & respicientes locum Exod. XXIV: 10. ubi Deum, cum se revelasset Israelitis in monte Horeb, insedisse animali, speciei vitulinæ dicunt; verum, nec vola, nec vestigium, hic datur animalis, quinimo id negat ipse Deus Deut. IV: 15. Provocant quoque ad locum Ezech. qui, quod Cap. I: bovem, id cap: 10: cherub appellat. Alii a verbo רְכָב equitavit, unde Rechubhim curriculum, per metathesin literarum, quasi Cherubim; hi pro corroboranda sua mente producunt dictum Davidis Pl. LXVIII. 18 ubi angeli quos hi Cherubini repræsentabant expressè, vehiculum DEI vocantur. Alii, multiformia simulacra fuisse prætendunt, referentia caput humanum, alas aquilæ, dorsum leonis jubis vestitum, crura pedesque vitulorum, ut Israelitæ, qui incedentes in deserto, in quatuor turmas dividebantur, certi forent de gratiosa DEI præsentia; Juda, enim, pro insigni habebat

bebat leonem, Ephraim bovem, Dan aquilam, Ruben hominem; Grotius aliam rationem, cur *Facies* quatuor animalium habuerint, exponit. Sed nolumus his argutiis diu immorari, cum tamen in tanta sententiarum varietate, quæ se hic offert, veritate in profundis demersa later, eruere nequeamus, nostrum suspendentes judicium, cum Calovio aliisque non sine honore nominandis, & miraculum hoc, cum Claris Buxtorf: omnem humanum caput superans, miramur, quod *DEUS*, qui infinitus & immensus, qui celum, terram, maria, & totum hoc universum implet & excedit, intramini arcæ, que non erum ultarum erat, spatiu[m], se in populi sui gratiam incluserit & circumscripserit.

§. IV.

Expositis, DEI gratiâ, materia & forma, excipit ipse finis. *Omnis enim actio propter certum suscipitur finem;* qui, pro ratione præsentis objecti ex analogiâ verborum Mosis, est duplex, quorum prior

v. 22. proponitur : שְׁבָרֶתְּךָ מֹשֶׁה וְבָרְתִּי אַתָּךְ Mosi enim soli is obtigit
 honos, eaque gavisus est prærogativâ, ut DEUS ipsi apertè, immediate, nullâ
 interpositâ personâ, decreta sua manife-
 staret. Num XII. 8. quod perbellè ex-
 poluit Buxtorf; hist: de arca fœderis:
*Q*uotiescumque, inqviens, *Mosi*, pro rebus fa-
 litem populi concernentibus, os *DEI* consule-
 re, visum fuit, ex arcâ *E* nominatim exiguo
 illo interstitio, quod inter duos illos *C*herubi-
 nos arcæ affixos erat, responsum sonorâ di-
 stinctâ *E* articulatâ voce accepit. Reliqui
 vero, *DEUM* de commodis suis conlu-
 lentes, responsum tulerunt mediante
 Pontifice, Ephod induito. Num. xxvii. 21.
 Usum verò posteriorem indigitat v. 16.
 נָתַת אֱלֹהִים אֶת הַעֲדָה אֲשֶׁר אָתָּךְ אַלְכֵן
 Vel ut explicat Paulus in Epist. ad Hebr.
 cap. IX. v. 4. ἀπλάκες τῆς Αἰγαίου, quæ eō
 deponi debebant, antequam operculum
 arcæ imponeretur, arcam enim Hebræ-
 orum nulli aperire licuit, unde nec Phi-
 listæi ausi sunt i. Sam: VI. 8, ponere dona
 sua, quæ in honorem arcæ offerebant,
 in

in sinum ejus, sed ad latus. Hilce tabulis Legis, addit Paulus, in loco modo nominato σειρῶν χουσῆς χρυσαρ τὸ μάντα, καὶ τὴν πάβδον Αἴρων βλαστίουσαν. Unde inextricabilis oritur Labyrinthus. An hæc modo recensita revera fuerint in Arcâ? Inter sacrū & saxum jam stare videor, & eloqvar an fileam nescio. Occurrunt enim mihi, hæc paulo altiori mentis indagine, ruminanti, jam pro affirmativâ, jam pro negativâ stantes sententiâ, jam judicium perpolitum occultantes. Hic medium quo tutissimi ibimus invenire difficile. Haud tamtem temerè facturum me arbitror, si in eorum descendero castra, qui in arcâ, exceptis tabulis, nihil fuisse statuunt, nam (1) nullum in sacrâ paginâ offendimus mandatum, de asservatione matræ & virgæ Aronis in arcâ. (2) præcepit JEHOVAH Moschi, asservandam plenam mensuram Homer, ut videret populus panem illum, quem nequaquam vidissent, si in arcâ repositus fuisset. Exod. XVI. v. 33. 34. 35. (3) particula ē, in dicto hoc Paulino, quæ tantopere movet illos, qui

sub affirmantium militant vexillo, non
semper interiora, sed & exteriora re-
spicit, ut & particula extraessentia-
lis Hebreorum (3) Sic Gen: I. 22. ju-
bet DEUS, ut se se multiplicent *in terrâ*,
i. e. non intra sed supra, particula quo-
que Latinorum. *in*, eandem subit signi-
ficationem e. g. Christus pependit in
ligno i. e. adhaesit. (4) Nec valet hic
qvicqvam distinctio vocis arcæ, in la-
tiorem, complectentem cellulas latera-
les & strictiorem pro sinu tantum ar-
cæ, nam locus Deut: XXXI: 26. ejus-
modi cellulas non probat. Dum vero
in confirmationem dicti præcedentis
producunt verba I. Sam: VI. 8. proprio
se jugulant gladio, propriaque cædunt
vineta, jubentur enim ibi vala illa, qvæ
dono dabantur DEO, poni in capsâ ad
latus arcæ, qvæ ei inclusa fuisse nemo
interpretum statuit. Libros vero Ca-
nonicos qvod concernit, nec eos in ar-
câ fuisse dicimus, utpote qui nondum
existebant omnes, sed multi post arcæ
destructionem demum conscripti sunt.
Scias

Scias tamen, Candide conatum nostrum interpres, nos ita in hanc deflectere sententiam, ut eam alia meliore, si informati fuerimus, quod a te obnixè contendimus, permuteare simus paratissimi. Hanc interea tovemus, donec nobis Oedipus id ænigma dissolvet.

§. V.

Hic lubentes portum intraremus, verum carinam nostram, cum adhuc subire vetat saxum illud eminens, in ipso ejus Orificio mala minans, ad quod ne allidat navis, cavendum est. Est vero illud, a quo tantopere metuimus, nobilis non minus quam ardua haec quæstio: Quorsum Arca fœderis venerit? Circa cuius resolutionem, in varia scinduntur Authores sententiarum divertia, imo ipsi Buxtorf. MAXIMUM SEculi NOSTRI ORACULUM, certam in re tam abstrusa ferre sententiam, esse difficile ait, præcipue ubi historia sacra & profana, nos destituant, nec quemdam id a se flagitare. Carpzovius tamen in dissertatione suâ, super hoc erotema,

probabiliter asserit, hanc arcam incendio
periisse, urbe Hierosolymâ à Chaldaëis
devastata & solo æqvata, quæ miserri-
ma rerum facies, unicuique lachrymas
exprimit. Hanc vero veritati maximè
congruam, ostendimus *remotivè*, sive per
anticipationem argumentorum adver-
sariæ partis; Insurgentes enim nobis,
trium potissimum sunt generum, quo-
rum primi, absconditionem defendunt, cui
figmento, locum dedit dictum Libri A-
pocryphi 2. Machab. II. v. 5. Sed præter-
quam quod sint verba libri, ut jam mo-
do dictum Apocryphi, quæ haud plus
valent, quam alia testimonia humana,
non conveniunt in eo, a quo occultata
sit, alii enim a Jeremìa, alii à Josia, eam
absconditam volunt. Ast non procedit
conjectura eorum, de priore, quia factum
fuisse hoc, aut ante captivitatē ejus, aut
post, non illud, nam tanto adversus eum
ducebantur odio, sacerdotes illius tempo-
ris, ut non paterentur eum ingredi sanctū
multò minus sanctum sanctorum, in vin-
qvo.

cula qvoq; conjectus est, antequam urbs
a Nebucadonosore obsidione cingeretur,
Jer. xxxii. xxxiii. cap. nec hoc, quia
templo & urbe expugnatis, dicitur Jere-
mias, catenis vincitus deductus fuisse usq;
ad Ramam, & inde domum dimissus, ut
ad Gedaliam vaderet, quem Rex Babylo-
niæ urbibus præfecerat. Jer. xxxix. xl. c.
Nec quod volunt obtinent de Josia, nam
dictum 2. Paralip. xxxv. v. 3. Ponite arcam,
in domo, qm fecerat illi Salomon filius Da-
vidis, quod pro se maximè facere putant,
invertunt & in alium sensum detorquent.
ex his enim concludere volunt Rabbini,
Salomonem sub terra ædificasse spelun-
cam, in qua conderetur arca, sed non
est e re, ut ab aperta litera disceda-
mus, & ejusmodi, quod fundamentum
in re non habet, fingamus.

In altera classe adversiorum, loca-
mus eos, qui arcam in templo secundo
adfuisse somniant, quibus obviare it
Buxtorf: petita ratione, ab alto silentio
Josephi, qui nequaquam tacuisset, si

præsentia sua id cohonestasset; est enim, incomparabilis diligentia autor, in describenda magnificencia templi posterioris; nec tacuisse scriptura, nam velurn moriente Christo scissum ait, nullam vero arcæ mentionem injicit, quin & ipsi Rabbini, quinque recensent, ob quorum defectum, gloria templi secundi non est conferenda, cum decore primi, ut sunt. (α) Arca fœderis: (β) Urim & Thumim. Esræ II. v. 63. Non comedent de sancto sanctorum, donec venerit sacerdos cum Urim & Thumim; i. e. nunquam nam particula Hebræorum (**רַע**) quæ hic habetur, rem nunquam futuram designat, in qua significatione usurpatur 1. Sam. XV. 35. Non vidit Samuel ultra Saulem usque ad diem mortis suæ. h. e. nunquam vidit, & Gen. XXVIII. v. 15. (γ) Ignis cœlestis (δ) Divina præsentia (ε) Spiritus sanctus; imminentे enim excidio, migrat præsentia Divina ē templo: Ezech. X. v. 4.

Sunt

Sunt & ii, qui arcam ad Babel translatam volunt, sed cum non recensetur arca, inter ea vasā, quæ abstulit Nebusar Adan è domo JEHOVÆ, 2. Reg. XXIV. v. 13. 14. Capite quoque seqventi, multa enumerantur, quæ in templo remanere: 2. Reg. XXV. 16. at de arca nihil. Sienim ea memorat, quæ viliora, utiqz multo magis nobiliora, jam nihil erat nobilius & splendidius arca. Seqvitur, itaque, ex refutatione harum sententiuarum, eam incendio deletam fuisse: cum, expressè quoque dicatur, 2. Reg. XXV. v. 9. Nebusar Adan combussisse *domum JEHOVÆ, domos Regis, omnesque domos magnatum.* Cujus miseræ conditionis, haud immemor David Psal. LXXIV. 7. queritur, hostes immisisse ignem in sanctuaria, profana duxisse tabernacula nominis DEI, & incendisse omnes Synagogas DEI fortis. Atque sic navim ad terram appellimus. Precibus DEUM T. O. M. sollicitantes, velit arcam fœderis, etiam nobis

concessam, veram nimirum Evangelii doctrinam, quæ est arca, qua Christus per totum circumgestatur orbem, diu illibatam à fermento Hæreticorum & adversus impetus Turcarum, tutam servare. Hoc faxit DEUS, in secula benedictus, cui benedictum illud semper canemus,

חָלַלוּ יְהִי

